

Visoki predstavnik zagovara reforme u BiH za vrijeme održavanja generalne skupštine UN-a u New Yorku

Visoki predstavnik, Wolfgang Petritsch, održao je niz sastanaka na visokom nivou za vrijeme generalne skupštine Ujedinjenih nacija u New Yorku, kako bi skrenuo pažnju tri prioriteta: povratak izbjeglica, ekonomsku reformu i jačanje institucija u Bosni i Hercegovini.

Ministar vanjskih poslova Rusije Igor Ivanov pružio je punu podršku njegovom radu u BiH. Njihovi razgovori odnosili su se na pomenuta prioriteta, napredak u Brckom te odbrambene reforme u BiH.

Visoki predstavnik također se sastao sa predsjedavajućim OSCE-a, ministricom vanjskih poslova Austrije gđjom Benitom Ferrero-Waldner; ministrom vanjskih poslova Turske Ismailom Cemom; te ministrima vanjskih poslova zemalja članica Centralnoevropske inicijative. Također je održao iscrpne razgovore sa ambasadorom Sjedinjenih Američkih Država pri UN-u, Richardom Holbrookom.

Visoki predstavnik je dobio punu podršku za planirane reforme u Bosni i Hercegovini, čiji je cilj da osigura brzu implementaciju Daytonskog mirovnog sporazuma, koji je potpisan u Parizu prije pet godina.